



DOMOWINA

## Jednanski porjad Zwjazkowego předsydstwa Domowiny za wólbnu dobu 2017-2021

### § 1

#### **Powšitkowne zasady džěławosće**

1. Zwjazkowe předsydstwo Domowiny nawjeduje džěto třěšneho zwjazka mjez hłownymi zhromadźiznami.
2. Zestawa, nadawki a kompetency zwjazkowego předsydstwa rjaduja artikl 9, wotrězki 1 - 8 wustawkow Domowiny.
3. Zwjazkowe předsydstwo spjelnja swoje nadawki z
  - rjadnymi a wurjadnymi posedženjemi,
  - džětom prezidija po §10 tutoho porjada,
  - analytiskim a koncepcionelnym předdžětom džětowych wuběrkow a skupinow,
  - koordinaciju a integraciju cyłonardneho džěła we wothłosowanju z předsydstwami sobustawskich župow a towarstwow kaž tež z druhimi zwjazkarjemi,
  - skutkowanjom kóždeho jednotliwego čłona zwjazkowego předsydstwa w swoim towarstwje a w zjawnosći,
  - aktiwnym zjawnostnym džětom wo zaměrach třěšneho zwjazka a wo počženju a zajimach serbskeho ludu.
4. Zwjazkowe předsydstwo schadźuje so po artiklu 9, dypk 7 wustawkow Domowiny najmjeńša štyri króc wob lěto. Nimo toho zwoła so kóžde lěto klawsurne posedženje. K tomu so lětny plan džěławosće nastaji, kotryž nimo terminow tež městnosć a wobsahowe čěžišća posedženjow postaji.

### § 2

#### **Posedženja zwjazkowego předsydstwa**

1. Wuradźowanja zwjazkowego předsydstwa su po artiklu 9, dypk 8 wustawkow Domowiny zjawne. Nowinska rěčnica Domowiny informuje medije tydźeń do toho wo posedženjach a wozjewi zdobom čěžišća zjawneho džěła posedženjow na internetnych stronach Domowiny.

2. Wuradźowanje dźěli so po potrebjce do zjawneho a njezjawneho dźěla.  
Personalne prašenja maja so w kóždym padže w njezjawnym dźělu wuradźowanja a w njeprítomnosći potrjeheneho wobjednać.  
Zjawny a njezjawny dźěl posedženja matej so w namjeće za dnjowy porjad wupokazać.
3. „Nuprašowanja hosći k serbskim naležnosćam“, „rozprawa předsydy a čłonow zwjazkowego předsydstwa wo dźěławosći třěšneho zwjazka mjez posedzenjomaj zwjazkowego předsydstwa“ a „aktualna debata čłonow zwjazkowego předsydstwa“ su stajny wobstatk kóždeho posedženja. Čłonojo zwjazkowego předsydstwa maja prawo, temy za „aktualnu debatu“ hač do 3 dźěłowych dnjow do posedženja zwjazkowego předsydstwa na zarjad Domowiny pisomnje zapodać. Wo dalšich a pozdžišich namjetach smě so we wotwisnosći časowych móžnosćow na městnje posedženja rozsudzić.  
Nimo toho smě kóždy čłon zwjazkowego předsydstwa do schwalenja dnjoweho porjada próstwju wo wuzamknjenje zjawnosće při wobjednanju wěstoho dypka dnjoweho porjada stajić. Wo próstwje wothłosuje so po §6 wotrězk 3.  
Čłonojo zwjazkowego předsydstwa su winowaci, wo wšitkich w njezjawnym dźělu posedženja wobjednaných naležnosćach mjelčeć.
4. Rjadne posedženja zwjazkowego předsydstwa zwoła předsyda Domowiny na zakładze schwaleneho lětneho plana dźěławosće.  
Wurjadne posedženje zwoła so wot předsydy po pisomnym žadanju znajmjeńša štwórciny čłonow zwjazkowego předsydstwa, třoch towarstwow abo prezidija (hlej wustawki Domowiny artikl 9, dypk 7). Wone ma so w běhu dweju tyźenjow přewjesć.
5. Přeprošenje z namjetom za dnjowy porjad a předłohami zjawneho dźěla posedženja ma kóždy rjadny čłon zwjazkowego předsydstwa najpozdžišo 7 dnjow do wuradźowanja dóstać. Jeli sej to adresat přeje, móža so jemu podložki tež digitalnje připóstać.  
Wo naležnosćach, kiž njejsu w připóstanym namjeće za dnjowy porjad zapisane, smě so jenož potom wuradźować a rozsudzić, hdyž njeda so naležnosć přestorčić a zwjazkowe předsydstwo wobjednanju přihtosuje.  
Přeprošenja z předłohami dóstawaja tež jednaćel a zastupowacy jednaćel, nawodnica Rěčneho centruma WITAJ, jeje zastupjer a referenća zarjada Domowiny.  
Podložki zjawneho dźěla posedženja smědža tež dóstać předsydaj rewizijnego a změrcowskeho wuběrka, hdyž wo to proša. Samsne płaci za županow a předsydow sobustawskich towarstwow, kiž njejsu z čłonom zwjazkowego předsydstwa.  
Podložki njezjawneho dźěla posedženja dóstanu wosoby po § 4 dypk 8.

### **§ 3**

#### **Nawjedowanje posedzenjow**

1. Posedženja nawjeduje předsyda, w padže jeho zadźěwanja městopředsydaj. Za wobjednanje jednotliwych dypkow dnjoweho porjada móže prezidij druhich zamołwitych zasadzić.

2. Předsyda a městopředsydaj tworja posedženski prezidij. Nawoda posedženja konsultuje so we wažnych prašenjach nawjedowanja posedženja a dodžerženja wustawkow Domowiny kaž tež jednanskeho porjada zwjazkowego předsydstwa z dalšimaj člonomaj posedženskeho prezidija. Wonaj mětoj nawodže posedženja ze swójskeho wida na předpisane postupowanje skedźbnić, je-li trěbne. Hewak jeho při nawjedowanju posedženja podpěrujetaj.
3. Nawoda posedženja ma slědowace nadawki:
  - posedženje wotewrěć a přitomnych powitać,
  - přizjewić, zo so wotběh zjawneho džěla posedženja na zynkonošak natoči a zo njejsu žane dalše natočenja dowolene,
  - přitomnosć a zamołwjenja zwěsćić,
  - wobzamknjenjakmanosć zwěsćić,
  - zajatosć zwěsćić,
  - wo dnjowym porjedže wothłosować dać,
  - diskusiju k jednotliwym dypkam nawjedować a z wobsahowym rezimejom zakónčić,
  - konkretny tekst wobzamknjenja do wothłosowanja předčitać resp. posłowny namjet za wobzamknjenje sformulować abo přeformulować,
  - wo předłohach a druhich namjetach k wobzamknjenju wothłosować dać,
  - rezultat wothłosowanja zwěsćić (tři kategorije: za namjet / přećiwo namjetej / so hłosa wzda),
  - přiwrzaće abo wotpokazanje namjeta zwěsćić,
  - wo wjacorych čitanjach wěstych předłohow rozsudzić dać,
  - wo wotsadženju dypkow dnjoweho porjada resp. wo wróćodaću předłohow k dalšemu wobdžětanju w prezidiju abo džělowych wuběrkach rozsudzić dać,
  - porjadny wotběh posedženja na zakładže jednanskeho porjada zawěsćić a domowe prawo wukonjeć,
  - wo wobsahach k wozjewjenju w medijach rozsudzić dać a
  - posedženje zakónčić.

#### **§ 4**

##### **Wobdžělenje na posedženjach**

1. Čtonojo zwjazkowego předsydstwa su winowaci, so na posedženjach wobdžělić. W padže zadžěwanja chorosće abo druhich wažnych přičin dla su winowaci, předsydu abo sekretariat zarjada Domowiny z podaćom přičiny wo tym informować.
2. Lisćina za wupłaćenje posedženskich pjenjow płaći zdobom jako lisćina přitomnosće. Kóždy člon zwjazkowego předsydstwa zapisa so ze swojim podpismom do wuležaceje lisćiny přitomnosće a wupjelni lisćinu za zarunanje jězbných wudawkow, jeli spjelni k tomu trěbne wuměnenja po płaćiwym rjadowanju.
3. Člon zwjazkowego předsydstwa, kotryž chce posedženje dočasnje wopušćić, ma to nawodže posedženja z podaćom přičiny zdžělić.

4. Po wustawkach Domowiny (artikl 9, dypk 3) mataj so jednaćel a zastupowacy jednaćel na posedženjach zwjazkowego předsydstwa z poradźowacym hłosom wobdźeleć. Samsne přitrjechi za nawodnicu RCW a jeje zastupjerja, tematizuja-li so kubłansko-politiske prašenja. Nowinska rěčnica a referent za nutřkowe naležnosće so nowinskeho wozjewjenja a poradźowanja posedženskeho prezidija dla na wšitkich posedženjach wobdźeletaj.
5. Předsyda rewizijneho wuběrka kaž tež předsyda změrcowskeho wuběrka mataj po artiklu 9, dypk 3 wustawkow Domowiny prawo, so na wuradźowanjach zwjazkowego předsydstwa z poradźowacym hłosom wobdźeleć.
6. Zastupjer Domowiny we FUEN-prezidiju ma prawo, so z poradźowacym hłosom na posedženjach zwjazkowego předsydstwa wobdźeleć.
7. K zjawnym posedženjam ma kóždy zajimc přistup. Zajimcy pak nimaja prawo, do jednanjow zapřimnyć abo wotběh posedženja mylić.
8. Na njezjawnym dźělu wobdźěla so čłonojo zwjazkowego předsydstwa, jednaćel a zastupowacy jednaćel, přislušny referent zarjada za dźěławosć zwjazkowego předsydstwa kaž tež protokolant ze zarjada. Natočenje so hasnje. Pisa so wuslědkowy protokol. Jeli sej maćizna předwidžaneho dypka to žada, smědža so dalše wosoby na njezjawny dźěl přeprosyc.

## § 5

### **Wobdźelenje na diskusiji**

1. Čłonojo zwjazkowego předsydstwa a prezidija, jednaćel a zastupowacy jednaćel, kaž tež přeprošeni hosćo maja prawo, so słowa jimać, hdyž jim nawoda posedženja słowo přepoda. Kóždy diskutant smě so jenož dwójce k samsnej naležnosći wuprajić. Słowo so po rjedže přizjewjenjow přepodawa. Wo rěčenskim prawje njeprošenych hosći rozsudži posedženski prezidij.
2. Čłon zwjazkowego předsydstwa, kiž chce k jednanskemu porjadej porěčeć, přizjewi to ze zběhnjenjom wobeju rukow. Wón dóstanje potom hnydom słowo. Hdyž wuprajitej so žadanje abo namjet k wothłosowanju, smětej zasadnje jedyn čłon zwjazkowego předsydstwa za to a jedyn přećiwo tomu rěčeć. Potom so wothłosuje.
3. Rěčny čas móže so wot posedženskeho prezidija po potrebnosći wobmjezować. Hdyž so hižo k wěcy njerěči, ma nawoda posedženja prawo, rěčnikej słowo sćazać.
4. Jednanski porjad dowola čłonom zwjazkowego předsydstwa w běhu posedženja sćehowace namjety:
  - wróćenje naležnosće do prezidija, do dźěłoweje skupiny resp. do dźěłoweho wuběrka abo na Domowinski zarjad, zo by so předłoha k tomu přihotowała resp. předležaca předłoha so předžětała,
  - wotsadženje naležnosće z dnjoweho porjada resp. přestorčenje wobjednanja,

- zakónčenje diskusije k naležnosći,
  - wothłosowanje wo předłoze resp. wo namjeće k wobzamknjenju,
  - přetornjenje abo zakónčenje posedženja,
  - wuzamknjenje zjawnosće,
  - žadanje za tajnym wothłosowanjom abo za wothłosowanjom po mjenje,
  - naprašowanje wěcywustojnych wosobow a
  - přepodaće połnomocy k doskónčnemu rozsudej prezidijej, předsydže abo zarjadej Domowiny.
5. Čłon zwjazkowneho předsydstwa, kotryž je so k diskusiji přizjewił a njeje zakónčeneje diskusije dla wjace słowo dóstał, smě swój přinošk pisomnje předsydže zapodać. Přinošk so protokolej připožiji.
6. Do wothłosowanja wo předłohach a namjetach za wobzamknjenje smě kóždy čłon zwjazkowneho předsydstwa wosobinske wujasnjenje wotedać. K tomu přepoda jemu nawoda posedženja po wotpowědnym přizjewjenju słowo. Tajke wosobinske wujasnjenje smě jenož runostajenje wopačnych wuprajenjow abo wotwobaranje wosobinskeho nadpada wobsahować.

## § 6

### Wothłosowanja a wobzamknjenja

1. Po artiklu 6, dypk 3 wustawkow Domowiny je zwjazkowe předsydstwo kmane k wobzamknjenju, hdyž je wjace hač połojca jeho čłonow přitomna. Namjet je přiwraty, hdyž je wjetšina přitomnych hłosakmanych za namjet hłosowala, dalokož njeje to w tutym porjedže abo we wustawkach hinak postajene. Při samsnej ličbje hłosow za abo přećiwo namjetej je namjet wotpokazany. K wothłosowanju dóstanje kóždy čłon hłosowanske kartki (zelenu kartku z napismom “za namjet/za naraženje”, čerwjenu kartku z napismom “přećiwo namjetej/pšešiwo naraženju” a běłu kartku z napismom “so hłosa wzdam/so głosa wzdam”).
2. Namjet k wobzamknjenju dyrbi pisomnje abo ertnje jasnje sformulowany być, prjedy hač so wo nim wothłosuje. Wo kóždym namjeće so jednotliwje wothłosuje. Hdyž předleža wjacore namjety k wobzamknjenju nastupajo samsnu naležnosć, potom wothłosuje so najprjedy namjet, kiž po wobsahu najbóle wotpowěduje zaměrej wobzamknjenja. Signalizuje-li jedne sobustawske towarstwo z pisomnym wopodstatnjenjom w předpolu posedženja k namjetej za wobzamknjenje sylne wobmyslenja, ma so předsydstwo tutoho towarstwa do wothłosowanja słyšeć. Słyšenje předsydstwa tutoho towarstwa so přewjedže w zwjazkowym předsydstwje.
3. Wothłosuje so zasadnje zjawnje ze zběhnjenjom hłosowanskeje kartki. Hdyž sebi to jedyn čłon zwjazkowneho předsydstwa žada, potom so po mjenje abo tajnje wothłosuje.

Předležitej wobaj namjetaj, potom so tajnje wothłosuje.

Při wothłosowanju po mjenje předčita nawoda posedženja mjena wotpowědneho čłona zwjazkowneho předsydstwa, kiž dyrbi potom wuprajić, hač wón "za namjet" abo "přećiwo namjetej" hłosuje resp. so hłosa wzda. To so we wotpowědnej lisćinje dokumentuje a protokolej přida.

Čłonojo zwjazkowneho předsydstwa, kiž njesu wobzamknjenju přihtosowali, smědža sej žadać, zo so to w protokolu naspomni.

4. Hdyž so wuměňjenja za płaćiwe wobzamknjenja zasadnje změnja, móže so wotpowědne prašenje znowa w zwjazkowym předsydstwje wobjednać. Při tym ma so wo tym rozsudzić, hač so dotalne wobzamknjenje zběhnje.
5. Wólby a personalne rozsudy přewjedu so w tajnym wothłosowanju. Smě so zjawnje wolić, hdyž njeje žadyn čłon zwjazkowneho předsydstwa přećiwo tomu.  
Wolena je zasadnje wosoba, kotraž dóstanje wjace hač počtu hłosow wšitkich čłonow zwjazkowneho předsydstwa.  
Při wjacorych mjenach na jednym wólbnyh lisćiku, su čłonow wuzwoleni, kotřiž su po rjedže najwjac hłosow dóstali. Při runosći hłosow ma so wuša wólba přewjesć. Woleny je potom tón, kiž docpěje we wušej wólbje wjetšinu hłosow.
6. Čłonojo zwjazkowneho předsydstwa njesmědža so na wobjednanju a schwalenju naležnosćow wobdźělić, hdyž móže wobzamknjenje jim wosobinsce, jich swójbnyh resp. při wuznym přenjeho stopjenka abo institucijam, kiž woni juristisce zastupuja, bjezposredne lěpšiny abo njelěpšiny přinjesc.  
Potrjeheny čłon zwjazkowneho předsydstwa dyrbi sam swoju zajatosć do wobjednanja wotpowědneje naležnosće přizjewić. Wón smě so w padže zjawneho dźěla posedženja k hosćom sydnyc, w padže njezjawneho dźěla pak dyrbi posedžensku rumnosć wopuścić. Hdyž wobsteja dwěle na zajatosći resp. njezajatosći, potom rozsudzi so w njepřitomnosći potrjeheneho.

## **§ 7**

### **Protokol zjawneho dźěla posedženja**

1. Wo kóždym zjawnym posedženju zděža so protokol wobzamknjenjow. Jako pomocny srědk za protokolowanje zjawneho dźěla posedženja wužiwa so natočenje.
2. Protokol zjawneho dźěla ma wobsahować:
  - termin, městnosć, započatk a kónc wuradźowanja,
  - mjeno nawody/nawodow zeńdženja,
  - přitomnosć čłonow a hosćow,
  - dnjowy porjad,
  - čísla a titule wobjednaných předłohow,
  - wobzamknjenja z formulaciju namjeta, z wuslědkom wobhtosowanja a z běžnym číslom tuteje wólbneje doby,
  - nadawki, kiž su so druhim gremijam přepodali,

- wosobinske stejišćo, hdyž sej to člon zwjazkowego předsydstwa žada a
  - teksty rozprawow k bytostnym naležnosćam jako přidawk k protokolej.
3. Čłonojo zwjazkowego předsydstwa a jeho stajni hosćo dóstanu w běhu jednoho tydženja po posedženju na digitalnym puću naćisk protokola a smědža k protokolej pokiwy abo korektury zapodać. Doskónčny naćisk přepoda so z podložkami za přichodne posedženje.
  4. Županojo a předsydzja sobustawskich towarstwow dóstanu protokol k informaciji, hdyž njejsu z člonom zwjazkowego předsydstwa a wo to proša.
  5. Protokol so na přichodnym zjawnym wuradźowanju zwjazkowego předsydstwa schwali a spjelnenje wobzamknjenjow so kontroluje.

## § 8

### Protokol njezjawneho džěla

1. Wo kóždym njezjawnym posedženju zdžěla so wuslědkowy protokol. Wobzamknjenja maja so ze separatnym běžnym čisłowanjom protokolować ("n" před čisłom).
2. Wobsteji móžnosć jednotliwe wuprajenja po słowje do protokola přewzać.
3. Protokol njezjawneho wuradźowanja so w zarjedže Domowiny zawrjeny składuje, a to jónu jako digitalny dokument na datowym nošaku a jónu jako čišćany dokument.
4. Sobustawam zwjazkowego předsydstwa a změrcowskeho wuběrka ma so na žadanje protokol pod dohladom w zarjedže přistupnić.
5. Protokol njezjawneho džěla schwali so na přichodnym njezjawnym zeńdženju zwjazkowego předsydstwa. K tomu so dokument jako čišćana wersija přitomnym wudžěli, so z mjenom přijimowarja woznamjeni, so čita, wobjedna, schwali a so zaso hromadži. Hač na w dypku 3 mjenowany eksemplar so wšě druge zniča.

## § 9

### Předłohi

1. Předłohi do zwjazkowego předsydstwa smědža zapodać: prezidij, předsyda a městopředsyda Domowiny, čłonojo zwjazkowego předsydstwa, džělowe wuběrki resp. skupiny kaž tež rewizijny a změrcowski wuběrk Domowiny a předsydstwa sobustawskich župow a towarstwow.  
Předłohi smě tež zarjad Domowiny zapodać.  
Předłohi zdžěłaja so, hdyž so trěbnosć wobjednanja wotpowědneho prašenja ze stron wolenych gremijow třěšneho zwjazka, předsydstwow sobustawskich župow a towarstwow kaž tež zarjada Domowiny zwěsći, hdyž zwjazkowe předsydstwo wotpowědny nadawk wobzamkne abo posedženski plan zwjazkowego předsydstwa to předwidži.

2. Předłohi měli so zasadnje prezidijej k předwobjednanju přepodać, zo by móht zwjazkowemu předsydstwu doporučenje k doskónčnemu wobjednanju předłohow přepodać. To rěka, zo dyrbja 4 tydženje do předwidžaneho wuradźowanja zwjazkowego předsydstwa w zarjedže Domowiny předležec. Referent za nutrkowne naležnosće Domowiny rjaduje, čisťuje a spřistupni, resp. wozjewi předłohi we wothłosowanju z prezidijom.
3. Za přihotowanje předłohow ma so wosebity formular wužiwać (hlej přiłoha).  
Kóždy předłoha dóstanje swoje čisťo (běžne čisťo + lětoličba).  
Předłohi, kiž so w prezidiju na zakładže paragrafa 11 tutoho jednanskeho porjada dorozsudža, dóstanu před běžnym čisťom přidawk "P".  
Předłohi, kiž dyrbja so w zwjazkowym předsydstwje doskónčnje wobjednać a schwalić, dóstanu přidawk "ZP".  
Wobě družinje předłohow so separatnje ličitej a składujetej.  
Wopodstatnjenje za namjet k wobzamknjenju přida so we wotpowědnej přiłože.  
Při předłohach, kiž služa jenož k informaciji, zapisa so do rubriki "Namjet za wobzamknjenje" pasus, zo so informacija na wědomje bjerje.  
Financne wuskutki wobzamknjenjow maja so mjenować a zarjad Domowiny měť financujomnosć do wobjednanja w prezidiju pruwować a z podpismom jednaćela abo referenta za hospodarske a infrastrukturelne naležnosće wopodstatnić.
4. Hdyž so w běhu jednanjow zwjazkowego předsydstwa wotčilacy namjet k wobzamknjenju sformuluje, potom zapisa so nowa formulacija do přehlada předłohow.

## § 10

### **Wutworjenje džěłowych wuběrkow**

1. Zwjazkowe předsydstwo abo prezidij wutworitej po potrebjce k analytiskemu a koncepcionelnemu wobdžětanju wěstych naležnosćow džěłowe wuběrki. Kóždy wuběrk měť ze znajmjeńša 5 wosobow wobstać, wjetšina z nich měťa być z čłonom zwjazkowego předsydstwa.  
Postaja so zestawa a nawoda džěłoweho wuběrka, jeho naměstnik, po wobsahu přisťušny zamoťwity zarjada, wobsahowe zaměry džěławosće a doba skutkowanja.  
Wuběrki maja prawo, stajić próstwu wo juristisku poradu na prezidij.
2. Za wotběh posedzenjow džěłowych wuběrkow płaća w zasadže postajenja jednanskeho porjada zwjazkowego předsydstwa wotpowědnje. Wuradźowanja wuběrkow su zasadnje njezjawne. Wuwzaća su móžne.  
Čłonom zwjazkowego předsydstwa a prezidija je přisťup w kóždym času móžny.
3. Protokole wuradźowanjow džěłowych wuběrkow dóstanu nimo wuběrkownikow tež čłonojo prezidija. Čłonojo zwjazkowego předsydstwa smědža sebi protokole požadać.



4. Jako členojo džětowych wuběrkow móža so nimo členow zwjazkowego předsydstwa a prezidija dalši zastupjerjo župow a towarstwow kaž tež fachowcy powołać. Woni podleža samsnemu rjadowanju dowěrliwosće kaž členojo zwjazkowego předsydstwa.
5. Wuběrki rozprawjeja zwjazkowemu předsydstwu abo prezidijej prawidłownje wo rezultatach a džěławosći swojeho skutkowanja a předpołoża wotpowědne namjety jako předłohi k wobjednanju a schwalenju.
6. Předsydzja wuběrkow smědzja na zakładze naprašowanjow medijow abo po swójskim rozsudze wuběrkownikow zjawnosć k tematiskim ćežišćam njezjawnych posedženjow wuběrkow informować. Při tym ma so wobkedźbować, zo ma so jednac wo powšitkowne informacije džěławosće wuběrkow, nic pak wo naćiskach, kiž ma zwjazkowe předsydstwo dodiskutować a wobzamknýć.

## **§ 11**

### **Prezidij**

1. Po artiklu 10 wustawkow Domowiny słušeja do prezidija předsyda Domowiny, jeho městopředsyda a dalšej členaj zwjazkowego předsydstwa, kotrejuž na namjet předsydy zwjazkowe předsydstwo powoła.
2. Po artiklu 10 dypkaj 3 a 4 wustawkow Domowiny postaji zwjazkowe předsydstwo slědowace zamołwitosće prezidija:
  1. přihotować wobsahowje posedženja zwjazkowego předsydstwa,
  2. poradźować zwjazkowe předsydstwo we wobsahowych a wažnych organizatoriskich prašenjach a k tomu předpołožiť trěbne předłohi,
  3. poradźować předsydu Domowiny w jeho běžnej džěławosći,
  4. wutworić w nadawku zwjazkowego předsydstwa nachwilne džětowe skupiny resp. wuběrki a jich džěło koordinować,
  5. koordinować běžnje džěławosć institucionelnych wobłukow Domowiny a přijimać k tomu trěbne informacije,
  6. přihotować hłowne zhromadźizny Domowiny a nawjedować wudžětanje rozprawy wo džěławosći zwjazkowego předsydstwa a k aktualnemu potoženju serbskeho ludu a
  7. rozsudzić wo slědowacych prašenjach:
    - a) chwataje trěbne stejišća Domowiny k naćiskam prawnskich předpisow a k aktualnym prašenjam,
    - b) stejišća Domowiny k předewzaćam regionalneho planowanja,
    - c) delegowanje kulturnych skupin w nadawku Domowiny, projekty kulturneje wuměny a službne jězby čestnohamtskich zastupjerjow Domowiny do wukraja,
    - d) koncepty za róčnicy a jubileje,
    - e) naprawy w zwisku z wobhospodarjenjom imobilijow Domowiny,
    - f) nadawki k prawniskej poradze Domowiny,

- g) kónčna redakcija za stejišća, rezolucije, memorandumy a podobne wozjewjenja Domowiny, kiž so w zjawnosći rozšěrjeja (brošurki, stejišća, rezolucije, memorandumy a podobne).
  - h) wobdželenje Domowiny na projektach druhich nošerjow,
  - i) koncepty za wopomnjenske dny.
3. Zwjazkowe předsydstwo informuje so na kóždym posedženju wo dźěławosći prezidija a dóstanje pisomny přehlad rozudow posedženja/posedženjow prezidija z podložkami za swoje přichodne posedženje.
  4. Posedženja prezidija su zasadnje njezjawne. Čłonojo zwjazkowego předsydstwa smědža so na posedženjach wobdželeć. Čłonojo zwjazkowego předsydstwa maja prawo, prezidij namjety za wobjednanje naležnosćow zapodać.
  5. Dźěławosć prezidija rjaduje wosebity jednanski porjad, kiž zwjazkowe předsydstwo schwali.

## **§ 12**

### **Winowatosće čłonow zwjazkowego předsydstwa**

1. Nimo aktiwneho wobdželenja na posedženjach zwjazkowego předsydstwa ma čłon zwjazkowego předsydstwa wosebite winowatosće napřećo župje resp. towarstwu, kotraž/kotrež je jeho za wólby do zwjazkowego předsydstwa nominowała/o. Wón ma předsydstwo župy resp. towarstwa prawidłownje wo jeho skutkowanju informować, předłohi w předpolu posedženjow z nimi diskutować, wobzamknjenja zwjazkowego předsydstwa rozkłać a jich přesadženje podpěrować.
2. Wobzamknjenja su za kóždoho čłona zwjazkowego předsydstwa jenak zwjazowace. Žadyn čłon zwjazkowego předsydstwa nima po wotumje wjetšiny gremija prawo, přesadženje wobzamknjenjow blokować a napřećiwne aktiwity přewjesć.
3. Hdyž zwjazkowe předsydstwo postaji, zo njesmě so wo wěstych prašenjach zjawnje informować, ma kóždy čłon gremija winowatosć k mjelčenju. Tuta winowatosć wobsteji hač do wuwjazanja na zakładze rozsuda zwjazkowego předsydstwa. Winowatosć k mjelčenju płaći bjez wobmjezowanja za personalne daty.
4. Kóždy čłon zwjazkowego předsydstwa je k aktiwnemu zjawnostnemu dźěłu namotwjeny.

## **§ 13**

### **Zjawnostne dźěło**

1. Zjawnosć a žurnalisća přeprašuja so z nowinskim wozjewjenjom a z nawěškom na zjawne wuradźowanja zwjazkowego předsydstwa. Dnjowy porjad zjawneho dźěla so najpozdžišo 3 dźěłowe dny do posedženja w serbskej a němskej rěči w interneće wozjewi.

Předłohi k wobzamknjenju w zjawnym dźělu posedženja wozjewja so w zapodatej rěči tohorunja najpozdžišo 3 dźěłowe dny do posedženja na internetnej stronje Domowiny. Zajimowanym žurnalistam a hosćom móža so dospołne podłožki zjawneho dźěla na dnju posedženja jako kopija k dispoziciji stajić.

2. Wobzamknjenja zjawneho dźěla posedženjow zwjazkowneho předsydstwa maja so w běhu jednoho tydženja na internetnych stronach Domowiny wozjewić.  
Po posedženju zhotowi nowinska rěčnica medijowe wozjewjenje wo hłownych čěžiščach a wuslědkach zeńdženja.  
Po wothłosowanju z jednym čonom prezidija posrědkuje so tute redakcijam, čonom zwjazkowneho předsydstwa a dalšim zajimowanym adresatam.  
Zdobom ma so wone na internetnej stronje Domowiny wozjewić.
3. Rozsudny interneho resp. dowěrliwego razu, kotrež njesmědža so wozjewić, so na posedženju konkretnje pomjenuja.

*Jednanski porjad zwjazkowneho předsydstwa za wólbnu dobu 2017-2021 schwali so na posedženju zwjazkowneho předsydstwa dnja 02.06.2017 w Choćebuzu a nabudže z tym płaćiwosć.*

*Wudospołnjenje w § 4 wotstawk 8 wobzamkny so na posedženju zwjazkowneho předsydstwa dnja 19.10.2018 w Choćebuzu.*